

MUKA MALAYSIA: PELANCARAN PRODUKSI TERKINI IMAN RESEARCH

Kuala Lumpur, September 27, 2020 — IMAN Research berbangga mempersembahkan Muka Malaysia, sebuah inisiatif bagi meraikan kepelbagaian budaya, amalan, dan kepercayaan di Malaysia. Mengimbaui tradisi sejarah lisan negara ini, Muka Malaysia merupakan sebuah siri video dalam talian yang menampilkan wawancara yang dilakukan di segenap pelusuk negara, sebagai sebuah rekod kepelbagaian masyarakat yang hidup bersama di Malaysia.

Musim pertama siri ini, bertajuk *Muka Malaysia: Sapa Semenanjung*, tertumpu kepada individu dan kisah-kisah dari Semenanjung Malaysia. Antara Jun sehingga September 2020, pasukan Muka Malaysia, dengan kekuatan hanya empat orang, beberapa kamera, dan sebuah perakam bunyi, berjelajah merentas Semenanjung untuk mendengar daripada komuniti Orang Seletar di Johor, Awang Batil di Perlis, Cina Peranakan di Terengganu dan ramai lagi. Meskipun terhad daripada segi kemampuan produksi, angin dan keinginan kami untuk merekod dan mendokumentasikan kisah-kisah ini menjadi pendorong utama untuk projek ini, dan kami berasa cukup berbangga dapat berkongsi secubit kisah Malaysia dengan anda semua.

Sudah tentu masih terdapat banyak kisah dan individu yang tidak kami temui. Kami tidak menyatakan siri ini memaparkan gambaran penuh negara ini. Sebaliknya, kami berharap ia dapat memotivasikan kita semua untuk berkenalan dengan lebih baik antara satu sama lain, dengan merapatkan jurang yang memisahkan masyarakat, dan membunuh perasaan curiga yang kita ada terhadap satu sama lain. Bak kata Seniman Negara Allahyarham Dato' Dr Usman Awang, "Bukankah kecurigaan telah terbunuh ketika kita bersapa?"

Sebagai pengenalan kepada siri ini, kami turut mengongsikan sebuah esei video bertajuk Membunuh Curiga yang boleh ditonton melalui pautan ini: <https://youtu.be/VfwPh0Blo34>. Episode terkini siri Muka Malaysia: Sapa Semenanjung akan dikeluarkan setiap Selasa, dan boleh ditonton di sini: <https://www.youtube.com/channel/UCY3xTrvc4Vde6PyWN0q3iEQ/featured> dan juga melalui laman Facebook IMAN Research. Kami juga ingin menyatakan penghargaan kami kepada Tukang Cherita sebagai rakan usaha sama siri ini, serta rakan-rakan dan kawan-kawan kami atas sokongan dan sumbangan yang diberikan.

Untuk maklumat lanjut berkenaan IMAN Research, sila hubungi office@imanresearch.com, atau layari www.imanresearch.com.